



TENGGU Abdullah diiringi Dr Daing Nasir (kanan) beramah mesra dengan tetamu pada majlis Pelancaran Pembinaan Kolej Kediaman Mawaddah dan Sambutan Hari Raya Aidilfitri 2017 UMP, semalam.

Kolej kediaman konsep wakaf

Pekani: Penuntut anak yatim dan asnaf di Universiti Malaysia Pahang (UMP) bakal menikmati kemudahan kolej kediaman secara percuma dengan pembinaan Kolej Kediaman Mawaddah yang dijangka siap tahun depan.

Majlis pelancaran pembinaan kolej kediaman berkenaan disempurnakan oleh Pemangku Raja Pahang, Tengku Abdullah Sultan Ahmad Shah pada Majlis Sambutan Aidilfitri UMP di sini, semalam.

Hadir sama, Pengerusi Lembaga Pengarah UMP Datuk Seri Mohd Hilmeiy Mohd Taib, Naib Canselor UMP Profesor Datuk Dr Daing Nasir Ibrahim dan Ahli Lembaga Pengarah UMP Datuk Ahmad Azmey Abu Talib.

Tengku Abdullah bertitah, umat Islam digalakkan un-

tuk berwakaf kerana ia adalah salah satu pelaburan kita pada masa akan datang.

"Saya bangga dengan inisiatif UMP ini untuk mewujudkan kolej yang berkonsepkan wakaf ini.

"Saya juga menyeru kepada semua umat Islam di negeri supaya dapat berwakaf dan menayakan pembinaan kolej ini.

"Saya juga berharap kolej ini dapat disiapkan secepat mungkin dan saya akan pantau perkembangannya dari semasa ke semasa," titah baginda.

Dalam pada itu baginda yang juga Canselor UMP turut mengumumkan perantaraan Tengku Puan Pahang Tunku Azizah Aminah Maimunah Iskandariah Sultan Iskandar sebagai Pro Can-

selor bagi menggantikan Tan Sri Mohd Kamil Jamil.

Baginda bertitah, dengan perlantikan ini diharap dapat meningkatkan lagi prestasi UMP sebagai universiti teknikal yang terkemuka di negara ini.

Sementara itu, Daing Nasir berkata, kolej seluas 3,115 meter persegi dan bernilai RM5 juta itu akan siap dibina di Kampus Pekan, di sini, tahun depan.

Tambah beliau, bangunan kediaman hasil sumbangan wakaf pelbagai pihak itu bakal menempatkan 220 mahasiswa daripada kalangan asnaf termasuk pelajar miskin dan anak yatim tanpa dikenakan yuran penginapan.

"Pihak Majlis Ugama Islam dan Adat Resam Melayu Pahang ((MUIP) sudah memberi kelulusan rasmi kepada UMP untuk memulakan kutipan wakaf dengan dana permulaan RM400,000," katanya.

FAKTA

Kolej Kediaman Mawaddah seluas 3,115 meter persegi dan bernilai RM5 juta